

واسرح بروحك ف الشتاء واغسل همومك
وارمي وراك الذكريات المؤلمة حزن الوداع
قلب إنت هو وفجأة باع
إنسان وموهبته الخداع
خلي المطر ولا الدموع تغسل ذنوبك كلها
خلي الشتاء يمسح ماضيها بحلوها وبمرها

مش مطر

إلي بينزل م السما
أو م السحاب مش مطر..
دي دموع وجع قلوب حزينة
وخبث الآه والألم..
خبث دموعها م البشر
طلع الألم على شكل سحابة وغيمت
حلقت لتروي كل الفرحانيين من حزنها
وف وقتها والعمر لحظة م الحنين
والجو فارش سكتة وحلة وطين
وف موسم الأحزان
تبان الدمعة لو كات من حجر
والعين دي لو كانت بصيرة
كنا رضينا بالقدر
كنا فهمنا إن اللي نازل م السماء
ده مش مطر
دي دموع لناس مش فرحانيين